

TEZĂUR LITURGIC
10 IANUARIE

ACATISTUL
SF. CUVIOS
MACARIE
DE LA PISEM



MOSCOVA, 2000



Акафист Преподобному Макарию Писемскому

Кондак 1

Возбранный Воеводо и дивный во святых твоих,
Господи яви нам угодника тя, преподобне отче
наш Макарие, да твоими молитвами в мире
скорбнем странствия земного, сподобимся
взывать тебе:

Радуйся, преподобне отче наш Макарие, теплый
молитвенниче ко Господу и чудотворче.

Икос 1

Кто возможет воспети тя по достоянию,
преподобне отче наш Макарие, ангел бо во
плоти на земли явился еси, в пустыню
вселившийся, да Единому Богу послужиши, труды
ко трудам прилагая, сего ради и мы чада твоя к
тебе взываем сие:

Радуйся, прямым путем шествовавый ко
Господу.

Радуйся едино и сердце имел еси, да Ему
послужиши.

Радуйся, яко видя Господь труды твоя и во всем
тебе помощник явился.

Радуйся, яко Господь тебе наставника послал

еси.

Радуйся, яко наставнику твоему преподобному Павлу выю свою покорил еси.

Радуйся, яко наставника твоего любовь снискал еси.

Радуйся, яко двадесять годов совокупно с ним пожил .

Радуйся, яко с наставником твоим дни и нощи славословил Господа.

Радуйся, яко небопарнии орли, умом и сердцем к небеси возлетели есте.

Радуйся, преподобне отче наш Макарие, теплый молитвенниче ко Господу и Чудотворче.

Кондак 2

Все житие твое яко един день,едино желание имети в сердце Господа, сего ради постом и молитвою изнурял еси плоть твою, да чист соделаешия от страстей, Всесильному Богу воспевал во веки: Аллилуя.

Икос 2

Восхоте ненавистник всякого добра, диявол, да возвратишия вспять из пустыни, восхотевый тя от пути истиннаго отвратити, уныние и тугу сердечную наведе на тя. Непреклонными мольбами ты си далече от себе отгоняя, сего ради и мы воспеваем тебе таковая:

Радуйся теплый молитвенниче наш ко Господу.
Радуйся, много может молитва праведного,
спопешествующая во благое.

Радуйся, яко и мы тобою спасаемся.

Радуйся, яко тобою от лютых бед избавляемся.

Радуйся, яко и мы с тобою мир с Богом имамы.

Радуйся, болезней наших целителю.

Радуйся, во всех бедах наших скорый
помощниче.

Радуйся и по смерти все наше упование.

Радуйся, преподобне отче наш Макарие теплый
молитвенниче ко Господу и чудотворче.

Кондак 3

Ты моя крепость Господи, взывал отче Макарие,
Ты мое радование, ты и жизнь моя. Что хочу на
земли и что я желаю на небеси, токмо
непрестанно пети тебе: Аллилуя.

Икос 3

Вся тленная в мире сем проходит и уходит,
слава, богатство, честь и юность земная, токмо
вечны труды и добродетели, Вечны грехи
покоюнием не омытии, но последних ты страхом
вечных мук отвращался еси, паче же пламениа
любовию ко Господу, сего ради тебе поем
таковая:

Радуйся, душу твою принесый в дар Господу.

Радуйся, вся красная мира сего оставивый.
Радуйся, смирением украшенный.
Радуйся, терпением возвеличенный.
Радуйся, милосердием от Господа почтенный.
Радуйся, никакоже возвеличился еси трудами твоими,
Радуйся, яко раб непотребный себе пред всеми поставивый.
Радуйся, яко Сам Господь тебе возвеличил еси.
Радуйся, даром чудес тебе обогатил еси.
Радуйся, преподобне отче наш Макарие, теплый молитвенниче ко Господу и Чудотворче.

Кондак 4

Нужды и скорби на раменах своих понесл еси, тяжесть креста услаждал еси взиранием на Подвигоположника Господа Иисуса и радостно взывал еси: Аллилуя.

Икос 4

Всем еси помощник показался еси, преподобне отче наш Макарие, Милостливого Бога о нас умоляеши и отчаявшимся во своем спасении, новую милость нам подаеши. Паки и паки в благодарности тебе поем таковая:
Радуйся, милостивый о нас ходотаю пред Господом .
Радуйся, о прощении грехов наших Господа

умоляеши.

Радуйся, ходатаю нам царствия небесного.

Радуйся, ангельская твоя душа веселится на небеси.

Радуйся пред престолом Господа предстоиши.

Радуйся, со Архангелы и Ангелы непрестанно в сладости неизреченно славиши Господа.

Радуйся, и наше моление не тщетно от тебе отходит.

Радуйся, в нуждах и печалех, яко чадолюбивый отец утешаеши.

Радуйся душам нашим и телесам нашим мир и разум испрошаеши.

Радуйся, преподобне оче наш Макарие, теплый молитвенниче ко Господу и Чудотворче.

Кондак 5

Сердца наша в плену греховном, жаждут света невечерня, яко сродные по благодати, омывшиеся банею крещения и искупления Распятием Господа нашего. Но затемнохом ризы крещения и распинаем паки Христа. Моли же о нас, угодниче Божий, да и мы покоянием яко вторым крещением омыем души наша и с тобою воспоем Милосердному Господу во веки:
Аллилуя.

Икос 5

Иже на всякое время и на всякий час подобает славити Господа, славословити Его угодники, воспевая его силу: слава давшему тебе крепость, слава венчавшему тя, слава действующему тобой всем исцеления. Сего ради и мы, угодниче Божий Макарие, поем тебе таковая:

Радуйся, страсти душевные исцеляеши.

Радуйся, бальзам живительный душам нашим являеши.

Радуйся, теплоту душевную нам даруеши.

Радуйся, чувства душ наших к молитве уклоняеши.

Радуйся, от душепагубного зла нас отвращаеши.

Радуйся в мире и любви дни жития нашего препроводити повелеваеши.

Радуйся, мысли наша памяти о смерти научаеши.

Радуйся, ко всему в мире земному не пристращаться повелеваеши.

Радуйся, преподобне отче наш Макарие, теплый молитвенниче и Чудотворче.

Кондак 6

Несть услады в сердце, в мире несть отдохновения души на земли. Страсти, яко змия, вползают в сердце и разрушают покой и здравие. Красота, богатство, слава временная

рарушаются и дают душе тоску и уныние. Но ты, преподобне отче наш Макарие, сохрани и спаси нас святыми твоими молитвами, да и мы, избавлени от искушений, поем смиренно Богу: Аллилуя.

Икос 6

Яко рыба без воды жити не может, тако и твоя душа, и твоя услада есть житие о Господе, ты весь сеи предался Ему, яко ветвь от древа по слову Евангелия: Христос Лоза, ты же лозие Его. Сего ради тебе вопиим:

Радуйся, Христа паче всего возлюбивый.

Радуйся и Христом возлюбленный.

Радуйся во Отчих объятиях житие твое препроводил еси.

Радуйся, о теле своем нерадел еси.

Радуйся, яко в подвигах своих паче и паче возмогал еси.

Радуйся, яко пощением душу свою очистил еси, тело же утончил еси.

Радуйся, внешний человек тлел еси в тебе.

Радуйся, яко внутренний сугубо обновлялся.

Радуйся, яко плоть свою распял еси, да Христавым наречешься.

Радуйся, яко со Христом царствуеши и нас в молитвах своих воспоминаеши. Радуйся, преподобне отче наш Макарие.

Кондак 7

Яко родник, ни на час, ни на мгновение не оставляя своего течения, тако и твоя душа ни на едино мгновение не оставляла молитвенного внимания, но непрестанно молясь ко Господу, взывал еси ему во умилении сердца: Аллилуя.

Икос 7

Яко камень тверд и неприклонен, тако и твое житие, преподобне наш макарие, на камени веры утвердил еси себе, непрестанно шествуя правыми стезями, злых далече уклоняся.

Житием твоим паче слова, всех приходящих к тебе поучал еси, сего ради вопием к тебе таковая:

Радуйся, все житие твое в молитве и трудах препроводивый.

Радуйся, в ископании кладезя водного потрудивыйся.

Радуйся, яко в горний Иерусалим отшел от нас.

Радуйся, яко мощи своя оставил еси нам.

Радуйся, к раке мощей твоих яко к тебе прибегаем.

Радуйся, яко помощи твоя недужным подают исцеления.

Радуйся, яко мощи твоя душею болящим подают утешение.

Радуйся, яко уныние от нас отгоняеши.

Радуйся, яко Господа Бога о нас умоляеши.
Радуйся, светлая наше надеждо.
Радуйся, в бедах и скорбех наших заступление.
Радуйся, яко лукавых духов от нас прогоняеши.
Радуйся, преподобнай отче наш макарие,
теплый молитвенниче ко Господу и Чудотворче.

Кондак 8

Молим тя, преподобне отче наш Макарие, не отступиися от нас во временной сей жизни, но буди нам всегдашний молитвенник ко Господу. Не забуди нас грешных, да не умрем в злых деяниях наших, но да в покаянии скончаем дни живота нашего, и по смерти нашея не остави нас, да и мы смиренно Богу вопием: Аллилуя.

Икос 8

Помощниче наш теплый, ты наша отрадо,
надеждо и заступление. Тобою бо мы грешнии
надеемся улучшить милость Божию и по смерти
нашея. Твоими молитвами да избавимся от
адовых нерешимых уз, сего ради умильно тебе
вопием таковая: Радуйся, яко тобою вечныя
смерти грешницы избегают.

Радуйся, яко тобою раскаявшиися царствие
небесное улучшают.

Радуйся, ходатаю вечная жизни.

Радуйся, истинный путевочителю наш в

царствие небесное.

Радуйся, надеждо нашего спасения.

Радуйся, и земное житие наше устрояеши.

Радуйся, мир и благословение нам даруеши.

Радуйся, страсти наша утешаеши.

Радуйся со славою пребываеши на небеси.

Радуйся, монашествующих правило и
удобрение.

Радуйся, преподобне отче наш Макарие, теплый
молитвенниче ко Господу и Чудотворче.

Кондак 9

Ум и сердце к тебе возношу отче наш Макарие,
молю у тебе помощи, яко многих зол исполнися
душа моя, взывая тебе: очисти мя грешного
своими молитвами, простри ми руку помощи, да
и я грешник воспою смиренно Богу: Аллилуя.

Икос 9

Яко бальзам благовонный являешися душам
нашим, преподобне отче Макарие, твоими
молитвами умягчаеши бесплодные сердца наша
и даруеши слёзы покояния оскверненным
беззакониями душам нашим, сего ради тебе
взываем сице:

Радуйся, грехи наша прощаеши.

Радуйся, помощи наша и заступление.

Радуйся, никакожде к прогневавшим тя зла не

имевый.

Радуйся, незлобием душу свою украсивый.

Радуйся, твоею молитвою спасаемся.

Радуйся, в трудные минуты жития нашего нам помогаеши.

Радуйся, брашно алчущим давати повелеваеши.

Радуйся преподобне отче наш Макарие, теплый молитвенниче ко Господу и Чудотоврче.

Кондак 10

Беды и напасти, яко волны морския нас потопляют: но ты, угодниче Христов Макарие, исхити нас из пропасти погибели и помози проити воды напастей, да и мы, яко израильтяне, воду прошед яко сушу, сподобимся вместе с тобою пети Избавителю и Богу: Аллилуя.

Икос 10

Яко птица каждое мгновение пребывает от опасности от ловца, от хищника, от злого человека, тако и наша душа каждую минуту бывает в опасности от сетей лукавых, от видимых врагов и невидимых и несть спасения надежды, аще бы не имели святые молитвенники, сего ради вопием к тебе, угодниче Божий, таковая: Радуйся, чистоту телесную и чистоту душевную сохранивый аки жемчужину. Радуйся, сия в дар драгоценный

Господу своему принесый.

Радуйся, яко за сие светлое одеждою от ангела одеянный.

Радуйся, яко в чертог брачный на пир агнчий в ней возшел еси.

Радуйся, от Господа возвеличенный.

Радуйся, яко от господа почтенный.

Радуйся, яко насыщаешься Его лицезрения.

Радуйся, яко Господь в тебе и ты в нем еси.

Радуйся, яко с Ним в неизреченней славе ликуеши.

Радуйся, преподобне отче наш Макарие, теплый наш молитвенниче ко Господу и Чудотворче.

Кондак 11

Дние, яко сень презодят и приближают к концу житие наше. Что возглаголем за все дни наша, что принесем в дар Отцу нашему? Обаче одни грехи, беззакония, нерадения и лености, и что ожидает нам от Праведного Судии и Владыки, как не вечные муки от бесплоднаго раскаяния нашего и невозвратно ушедших днях жития нашего. Но ты, преподобне отче наш Макарие, ороси росою благодати души наша и представи Престолу божию совесть нашу чисту, да и мы грешнии воспоем Богу: Аллилуя.

Икос 11

Яко бесплодная смоковница, листьями
трепещущая, тако и житие наше на земли,
тщеславия листьями покровенно, отнюдь не
имея добрых дел, яко плодов Господу И несть
покаяния в окамененных сердцах наших. Сего
ради, яко смоковницы и мы боимся усечения
вечнаго, вопием тебе таковая:

Радуйся, твердое наше упование.

Радуйся, светильниче душам нашим.

Радуйся, наша моления ко Господу приносиши.

Радуйся, монашествующих славо.

Радуйся, житие твое исполнено елеем добрых
дел.

Радуйся, яко грозд спелый принеслся еси
господу своему.

Радуйся, яко в тихое пристанище вшел еси.

Радуйся, преподобне отче наш Макарие, теплый
молитвенниче кл Господу и Чудотворче.

Кондак 12

Яко звезда пресветлая явился еси преподобне
отче наш Макарие, сияя лучами Солнца Иисуса
Христа и нас просвещающая лучами Его
благодати. Ныне убо зрим тя на небеси
предстоящим Пресвятей Троице во мнозем
Дерзновении и трисиянными лучами осияваема
и нас освящая вопити Троице во едином лице:

Аллилуия.

Икос 12

Кто возможет восхвалить тя по достоянию, преподобне, яко един удаливыйся в пучстыню со зверьми, славити и пети господа своего. Яко столп крепкий, не возвратился еси вспять, но взявши рало, шествовал еси узким путем, зыскуя вечного царствия небесного. Сего ради вопием тебе таковая:

Радуйся, угодниче Божий, искушения от врагов доблественно претерпевый. Радуйся, от плоти, мира и диявола чистоту души твоя сохранивый.

Радуйся, Ангелов славо.

Радуйся человеков спасение.

Радуйся, прославляющая тя прославляя.

Радуйся, молящихся тебе от бед избавляяй.

Радуйся скорое наше услышание.

Радуйся, и посмерти наша заступление.

Радуйся, на суде Христовом за нас ходотаю.

Радуйся, яко тобою вечные муки избавляемся.

Радуйся, преподобне отче наш Макарие, теплый молитвенниче ко Господу и Чудотворче.

Кондак 13

О Богомудрый и Богоносный угодниче Макарие, избави нас от тяжких скорбей, бед и напастей.

Умоли о нас недостойных Господа преити нам попреще земныя жизни в смирении, терпении и покоянии, и по смерти нашея избавитися нам от мытарств горьких и вечных мук, и неосужденных предстати пред Престолом Господа и Владыки нашего и с тобою в радости и умиления сердца возопити Ему: Аллилуяю
(*Сей кондак читать трижды*)

Молитва

О Священная Главо, преподобне преблаженне отче наш Макарие, не забудь убогих твоих до конца. Но поминай нас всегда во святых твоих и богоприятных молитвах к богу. Помяни стадо твоё, еже сам насадил еси и не забуди посещати чад твоих, но моли за ны ко Господу и не презри нас верую и любовию чтущих святую память твою. Помяни нас недостойных у Престола Вседержителя и не престай молиться ко Христу Богу: тебе бо дадеся благодать за ны молиться. Не мним бо тя суща мертва, аще бо и телом преставился от нас, но и по смерти убо жив пребываеши. Не отступи от нас, молим тя, преподобне отче наш Макарие, избави нас от всякая прелести бесовские и козней диавольских. Пастырю наш добрыя, се бо мощей твоих рака пред очима нашими видима есть всегда, но твоя святая душа со Ангельскими

воинства со безплотные лики с небесными силами всегда предстоящи достойно веселится. Ведуще тя воистину и по смерти жива суца, тебе припадаем, тебе молимся, еже молится за ны Всесильному Богу о пользе душ наших и испросити время на покаяние, паче же невозбранно проити от земли на небо. Мытарств же горьких, бесов воздушных и князей и вечныя муки да избавимся, и небесного царствия наследницы будем со всеми угодившими Господу нашему Иисусу Христу. Ему же подобает всякая слава, честь и поклонение со безначальным Его Отцем, и Пресвятым и животворящем Его Духом, ныне и присно и во веки веков. Аминь.

